



**ZAPISNIK O RADU 57. SJEDNICE**  
**KOLEGIJA GRADSKOG VIJEĆA GRADA SARAJEVA**  
*ODRŽANE 28.05.2024. GODINE*

Broj: 01-GV-02-720/24  
Sarajevo, 28.05.2024. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Srđan Simonović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Adi Škaljić, predsjedavajući Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Vedad Deljković, predsjedavajući Kluba gradskih vijećnika „Deljković-Simonović-Čengić“
8. Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“
9. Samir Bejić, predsjedavajući Kluba gradskih vijećnika „Danijela Šahat - Samir Bejić“
10. Bajro Biber, predsjedavajući Kluba gradskih vijećnika „USD-BOSS“
11. Seid Škaljić, predsjedavajući Kluba gradskih vijećnika „Seid Škaljić - Željko Majstorović“
12. Jasmin Skorupan, predsjedavajući Kluba gradskih vijećnika „Korora/Skorupan“
13. Mila Eminović, sekretar Gradskog vijeća

Odsutan: Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Nejra Selimović, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

**Jasmin Ademović, predsjedavajući Gradskog vijeća** je otvorio sjednicu u 12.15 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojilo** Zapisnik o radu 56. sjednice Kolegija Gradskog vijeća, održane 26.04.2024. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojilo** dnevni red 57. sjednice Kolegija Gradskog vijeća, tako da glasi:

- a) Priprema za održavanje 41. sjednice Gradskog vijeća Grada Sarajeva
- b) Tekuća pitanja (Razmatranje akta JP „Sarajevo“ d.o.o. Sarajevo - Predmet: Odluka o načinu korištenja, održavanja i čuvanja uređenih vodotoka na području Grada Sarajeva)



## Ad 1)

### Priprema za održavanje 41. sjednice Gradskog vijeća Grada Sarajeva

#### a) Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

- 41. sjednica Gradskog vijeća će se održati u **srijedu 19.06.2024. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem, najkasnije, u **petak 31.05.2024. godine**;
- Sjednice radnih tijela, u pripremi 41. sjednice Gradskog vijeća, održat će se u sedmici koja počinje sa **ponedjeljkom 03.06.2024. godine**;
- Pozivi gradskim vijećnicima za 41. sjednicu Gradskog vijeća će se uputiti u **srijedu 12.06.2024. godine**.

#### b) Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Izveštaj o realizaciji Programa manifestacije obilježavanja 6. aprila - Dana grada Sarajeva u 2024. godini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 41. sjednice Gradskog vijeća.

**Jasmin Ademović, predsjedavajući Gradskog vijeća** je predložio da se na 41. sjednici Gradskog vijeća razmatra Prijedlog Odluke o izboru članova Komisije, predstavnika Gradskog vijeća Grada Sarajeva, za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu ukoliko Komisija za izbor i imenovanja, kao ovlašteni predlagač, utvrdi Prijedlog Odluke.

**Mirjana Đanović Stanić, rukovodilac Stručne službe za poslove Gradskog vijeća Grada Sarajeva** je podsjetila članove Kolegija da je, u skladu s Odlukom za nagrađivanje učenika srednjih škola koji su postigli zapažene rezultate na zvaničnim takmičenjima iz nastavnih predmeta/oblasti u prethodnoj 2023/24. školskoj godini iz Budžeta Grada Sarajeva za 2024. godinu, potrebno formirati Komisiju za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu.

Pojasnila je da Rješenje o imenovanja Komisije donosi gradonačelnica, da Komisiju čini sedam članova od kojih su četiri člana predstavnici Gradskog vijeća Grada Sarajeva, a tri člana predstavnici Gradske uprave Grada Sarajeva te da se javni poziv raspisuje jednom godišnje, u četvrtom kvartalu tekuće godine.

S tim u vezi, Gradsko vijeće ima obavezu donijeti Odluku o izboru članova Komisije, predstavnika Gradskog vijeća Grada Sarajeva, za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

Klubovi gradskih vijećnika će do **ponedjeljka 03.06.2024. godine** Komisiji za izbor i imenovanja dostaviti prijedloge kandidata za članove Komisije za razmatranje, obradu i analizu pristiglih prijavi na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu iz reda gradskih vijećnika.

c) *Teme planirane Programom rada Gradskog vijeća Grada Sarajeva za period januar - maj 2024. godinu, a koje nisu realizovane*

Nacrt Odluke o komunalnom redu u Gradu Sarajevu, prema informaciji Gradonačelnice, **nije spreman** i neće biti uvrštena u prijedlog dnevnog reda 41. sjednice Gradskog vijeća.

Izvještaj o provođenju Odluke o stipendiranju učenika srednjih škola iz Budžeta Grada Sarajeva, po konkursu za stipendiranje učenika srednjih škola iz Budžeta Grada Sarajeva za školsku 2023./2024., prema informaciji Gradonačelnice, **je spreman** i očekuje se da će biti uvršten u prijedlog dnevnog reda 41. sjednice Gradskog vijeća.

Prijedlog Odluke o izmjeni i dopuni Odluke o načinu sticanja statusa udruženja i fondacija od posebnog značaja za Grad Sarajevo, prema informaciji Gradonačelnice, **nije spreman** i neće biti uvršten u prijedlog dnevnog reda 41. sjednice Gradskog vijeća.

Prijedlog Odluke o podizanju spomen-obilježja civilnim žrtvama rata Kantona Sarajevo, prema informaciji Gradonačelnice, **nije spreman** i neće biti uvršten u prijedlog dnevnog reda 41. sjednice Gradskog vijeća.

\*\*\*\*\*

**Jasmin Ademović, predsjedavajući Gradskog vijeća**, je predložio da se za 41. sjednicu Gradskog vijeća pripremi Informacija o realizaciji projekta izgradnje objekta Vidikovac na Trebeviću obzirom da je prošlo određeno vrijeme od posljednje informacije te da bi Gradsko vijeće trebalo biti upoznato sa aktivnostima na nastavku realizacije ovog projekta, odnosno na realizaciji ranijih zaključaka Gradskog vijeća.

**Aida Bajramović, sekretarka Gradskog vijeća** je odgovorila da će o prijedlogu **Jasmina Ademovića, predsjedavajućeg Gradskog vijeća** upoznati nadležnu službu.

\*\*\*\*\*

**Jasmin Ademović, predsjedavajući Gradskog vijeća** je upoznao članove Kolegija da je Renato Adrović, član Komisije za pitanja mladih Gradskog vijeća Grada Sarajeva, uputio Gradskom vijeću dopis kojim je informisao Gradsko vijeće da je na sjednici Komisije za pitanja mladih održanoj dana 13.05.2024. godine predložio da se u toku mjeseca maja razmatra Informacija o implementaciji Plana djelovanja za mlade koja je Programom rada Gradskog vijeća Grada Sarajeva za 2024. godinu bila planirana za razmatranje u mjesecu aprilu.

Također je upoznao članove Kolegija da je Stručna služba za poslove Gradskog vijeća uputila odgovor u kome stoji da Kolegij Gradskog vijeća prati realizaciju Programa rada Gradskog vijeća, te da, do sada, predlagač Informacije istu nije dostavio kako bi se uputila na sjednicu Gradskog vijeća, a samim tim i na sjednicu Komisije za pitanja mladih.

**Aida Bajramović, sekretarka organa uprave**, je odgovorila da će o navedenom upoznati nadležnu službu.

*d) Novi prijedlozi:*

**Aida Bajramović, sekretarka organa uprave** je upoznala članove Kolegija da će Gradonačelnica za 41. sjednicu Gradskog vijeća predložiti Odluku o prihvatanju pokroviteljstva 2. festivala svjetla Sarajevo.

**Jasmin Ademović, predsjedavajući Gradskog vijeća** je predložio da Gradonačelnica za 41. sjednicu Gradskog vijeća predloži Odluku o pokroviteljstvu Grada Sarajeva nad takmičenjima za tri sarajevska nogometna kluba FK Željezničar, FK Sarajevo i SFK 2000.

Također je naveo da je potrebno da Gradonačelnica predloži način finansiranja i drugih projekata čije je finansiranje planirano iz ovih sredstava.

**Adi Škaljić, predsjedavajući Kluba gradskih vijećnika Naše stranke** je ponovio pitanje o realizaciji zaključaka sa 38. sjednice Gradskog vijeća, održane 27.03.2024. godine, koji su usvojeni prilikom razmatranja Prijedloga izmjena i dopuna Budžeta Grada Sarajeva za 2024. godinu, a odnose se na udruženja koja su proglašena od posebnog interesa za Grad Sarajevo, na koje je **Aida Bajramović, sekretarka organa uprave** odgovorila da je realizacija zaključaka u toku.

**Ad 2)**

**Tekuća pitanja**

### **2.1. Razmatranje akta JP „Sarajevo“ d.o.o. Sarajevo - Predmet: Odluka o načinu korištenja, održavanja i čuvanja uređenih vodotoka na području Grada Sarajeva**

**Jasmin Ademović, predsjedavajući Gradskog vijeća** je upoznao članove Kolegija da je JP „Sarajevo“ d.o.o. Sarajevo dostavilo akt u kome traži odgovore na određena pitanja, a u vezi sa primjenom Odluke o upravljanju vodotocima.

Upoznao je članove Kolegija da je Administrativna komisija Gradskog vijeća već razmatrala ovaj akt te je zauzela stav da je potrebno održati sastanaka sa nadležnima u Kantonu Sarajevo, Gradu Sarajevu i gradskim općinama s ciljem što skorijeg stvaranja uslova za početak primjene ovog gradskog propisa kao i da se očekuje i od Gradonačelnice i od JP „Sarajevo“ d.o.o. da poduzmu sve što je potrebno da bi se Odluka počela primjenjivati u propisanom roku: da se odrede o koracima koje je potrebno poduzeti i poduzmu ih na vrijeme.

### **2.2. Priprema za održavanje 40. sjednice Gradskog vijeća Grada Sarajeva**

**Jasmin Ademović, predsjedavajući Gradskog vijeća** je informisao članove Kolegija da bi na, sutrašnjoj, 40. sjednici Gradskog vijeća prava i dužnosti gradskog vijećnika trebao preuzeti Hazim Bahtanović obzirom da je gradskoj vijećnici Almi Čengiće prestao mandat.

Mandatno - imunitetska komisija je u tom cilju, 27.05.2024. godine, uputila materijal Gradskom vijeću za razmatranje po hitnom postupku.

Također je informisao članove Kolegija da je Komisija za Statut i akte utvrdila da predložena Odluka o usklađivanju knjigovodstvenog stanja sa stvarnim stanjem utvrđenim popisom na dana 31.12.2023. godine, nije iz nadležnosti Gradskog vijeća, te o njoj Gradsko vijeće ne može odlučivati. Upućena je sugestija Gradonačelnici da Odluku povuče, a da se materijal, na 40. sjednici Gradskog vijeća, razmatra u formi informacije.

**Jasmin Ademović, predsjedavajući Gradskog vijeća** je upoznao je članove Kolegija da će se, u srijedu 29.05.2024. godine, pred početak 40. sjednice Gradskog vijeća održati sjednica Administrativne komisije na kojoj će se, još jednom, razmatrati Prijedlog Odluke o davanju saglasnosti na Odluku o raspodjeli dobiti Javnog preduzeća “Sarajevo” d.o.o. za 2023. godinu.

**Jasmin Ademović, predsjedavajući Gradskog vijeća** je upoznao članove Kolegija da će Gradonačelnica na 40. sjednicu Gradskog vijeća uputiti za razmatranje, po hitnom postupku, Prijedlog Odluke o prihvatanju poklona i davanju saglasnosti na Ugovor o poklonu svjetleće konstrukcije firme „METALLON“ d.o.o. Visoko.

**Adi Škaljić, predsjedavajući Kluba gradskih vijećnika Naše stranke** je uputio prijedlog da se u saradnji sa Javnom ustanovom Zavod za transfuzijsku medicinu Federacije Bosne i Hercegovine organizuje dobrovoljno darivanje krvi u adekvatnoj prostoriji u objektu Vijećnice, nakon održavanja 41. sjednice Gradskog vijeća dana 19.06.2024. godine, na isti način, kako je to realizovano i 2023. godine nakon održavanja 29. sjednice Gradskog vijeća.

\*\*\*\*\*

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 12.35 sati.

*SEKRETAR GRADSKOG VIJEĆA*

*Mila Eminović, s.r.*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*